

Dinhla tše Bohlokwa tše hlano go Dijo tše di Bolokegilego

Ka baka la eng?

Le ge bontši bja dikokwana di sa hlole malwetši, dikokwana tše di lego kotsi di hwetšwa ka bontši mo mobung, meetseng, diphoofolo le bathong. Dikokwana tše di rwalwa ka diatla, mašela a go hlatswa le go phumola le dibjana, kudukudu diboroto tše go segelwago dijo go tšona ebile kgomano e nnyane e ka di fetišetša go dijo tša hlola malwetši a go phatlalatswa ka dijo.

Dula o hlwekile

- ✓ Hlapa diatla tša gago pele o swara dijo le gona kgafetša kgafetša ka nako ya go lokiša dijo
- ✓ Hlapa diatla tša gago ka morago ga ge o boa ntlwaneng
- ✓ Hlapa o be o hlwekiše mabato le ditlabelo tše di šomišwago ge go lokišwa dijo
- ✓ Šireletša mafelo a ka moraleng le dijo go dikhunkhwane, dilomi le diphoofolo tše dingwe

Ka baka la eng?

Dijo tše di sego tša apewa, kudukudu nama ya kgomo, kgogo le hlapi, le diela tša go tšwa go tšona, di ka ba le dikokwana tše kotsi tše di ka fetišetšwago dijong tše dingwe ka nako ya ge di apewa le go bolokwa.

Aroganya dijo tše di sego tša apewa le tše di apeilwego

- ✓ Aroganya nama ya kgomo, kgogo le hlapi tše di sego tša apewa ya kgomo, kgogo le dihlapi le dijo tše dingwe
- ✓ Hlatswa dibjana tša go swana le mefake le boroto tša go segela dijo ka mehla pele o di šomiša go muhuta o mongwe wa dijo
- ✓ Boloka dijo ka gare ga dibjana tša go tswalelwa mo go kgonegago go efoga kgomano magareng ga dijo tše di sego tša apewa le tše di apeilwego

Ka baka la eng?

Go apea ga maleba go bolaya bontši bja dikokwana tše kotsi. Dinyakišišo di bontšhitše gore go apea dijo ka themphereitšha ya 70oC go thuša go dira bonnete bja gore di bolokegile gore di ka lewa. Diho tše di nyakago šedi ye kgolo ya go ikgetha di akaretša nama ye e šitšwego, nama tša go bešwa, nama yeo e nago le malokollo a magolo le nama ya kgogo ka botlalo.

Buduša dijo

- ✓ Apea dijo tša go swana le nama ya kgomo, kgogo, mae le hlapi gore di butšwe
- ✓ Dira gore dijo tše bjalo ka disopo le setšhuu di bidišwe go dira bonnete bja gore di fihlile go 70 oC
- ✓ Go nama ya kgomo le ya kgogo, dira bonnete bja gore diela tša go tšwa go nama yeo e apeiwago ga di bonale madi, e seke ya ba tše di pinki. Šomiša themometha mo go kgonegago
- ✓ Ruthetša ka botlalo dijo tše di apeilwego

Ka baka la eng?

Dikokwana di ka ata ka pele kudu ge dijo di bolokilwe ka themphereitšhareng ya go lekane le ya ka phopošing. Ka go boloka dijo ditthemphereitšhareng tša ka fase ga 5 oC goba ka godimo ga 60 oC, go ata dikokwana go ka fokotšega goba gwa emišwa. Dikokwana tše dingwe tše kotsi di sa kgona go gola ka fase ga 5 oC.

Boloka dijo mo ditthemphereitšhareng tše di bolokegilego

- ✓ O seke wa tlogela dijo tše di apeilwego mo themphereitšhareng ya go lekane le ya ka phapošing sebaka sa go feta diiri tše pedi
- ✓ Diho ka moka tše di apeilwego le tše di senyegago ga bonolo di swanetše go tšidifatswa ka bjako(ge go kgonega ka fase ga 5 oC)
- ✓ Boloka dijo tše di apeilwego di fiša (go feta 60 oC) pele o ka di sola
- ✓ O seke wa bea dijo nako e telele le ge e ka ba ka gare ga setšidifatši
- ✓ O seke wa tološa dijo tša go kgahla mo themphereitšhareng ya go lekane le ya ka phapošing

Šomiša meetse ao a bolokegilego le dijo tše di sego tša apewa

- ✓ Šomiša meetse ao a bolokegilego goba o a hlwekiše go a dira gore a bolokege
- ✓ Kgetha dijo tše hlwekilego le tše di loketšego mmele
- ✓ Kgetha dijo tše di hlwekišitšwego, bjalo ka maswi ao a pastearaesišwego
- ✓ Hlatswa dienywa le merogo, kudukudu ge di lewa di se tša apewa
- ✓ O seke wa šomiša dijo tše di fetilego ke letšatšikgwedi la go felelwa ke go šoma

Ka baka la eng?

Dijo tše di sego tša apewa, go akaretša meetse le aese, di ka šilafatšwa ka dikokwana tše kotsi le dikhemikhale. Dikhemikhale tša go ba le mpholo di ka hlolega ka gare ga dijo tše di senyegilego le tša go tše di sego tša apewa le magato a bonolo bjalo ka go hlatswa le go ebola go ka fokotša kotsi.

